



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cautela Confessarii Pro Foro Sacramentali Occasione
Decretorum S. M. Alex. VII. Innoc. XI. Et Alexandri VIII. ...**

Matthaeucci, Augustín

Francofurti Ad Moenum, 1711

Cap. XII. Approbatio ab Ordinario.

urn:nbn:de:hbz:466:1-40684

*pro quibus pœnitentia fuit à primo ihipo-
sta?*

Resp. Affirmatè, sic DD. ratio est quia impositio, vel pœnitentia commutatio est actus judicialis, ad integratatem sententia judicialis pertinens, ergo non potest fieri extra judicium, & non cognita causa, ob quam imponi debet; hæc enim est natura judicij, & sententie, ut, incognita causa, & extra forum non feratur; quavis aliter imposta, non foret Sacramentalis. Tutiū etiam est, ut ab ipsomet Confessario, qui primò imposuit, non commutetur, nisi in Confessione, & de novo peccatis auditis, nisi ex incontinenti pœnitens recurrat, & notitiam peccatorum habeat.

14. Sed poterit ne secundus Confessarius, non habens jurisdictionem in reservata, commutare pœnitentiam, pro reservatis à primo Confessario imposta?

Relp. Negative, ratio est, quia, sicut Secundus prius non poterat de reservatis judicare, & pœnitentiam imponere, quia jurisdictione carebat, sic, injuncta à Superiori pœnitentia, non videtur posse ejus sententiam moderari, vel mutare.

13. Quæritur, an persolvens pœnitentiam in mortali, satisfaciat propria temporali?

Resp. Affirmatè: nam certe jejunum, in statu peccati mortalis factum à pœnitente, cui pro pœnitentia fuit injunctum, est recompensatio aliqua pro pena temporali: sive totali, si tanta sit pena jejunii, quanta erat pena temporalis solvenda: sive partiali, si non sit tanta; sed non tunc habet effectum remissionis pœnae, sed postea, ablato obice peccati; quia eam pœnitens sit in peccato, & inca-

pax remissionis pœnae, nec Deus tunc acceptat satisfactionem, ut protunc satisfactoriam, sed relinquit pœnitentem debitorem, donec se reducat ad statum gratiae.

14. Quæritur, ad quid tenetur, qui obliuus est pœnitentia iniuncta?

Resp. Ad reperendam priorem Confessionem dum Confessarius notitiam illius, saltem in confuso, non retineat, ratio est: quia nullus Judge potest ad penam ligare, & judicium ferre, nisi cognita causa; ergo nec Confessarius novam pœnitentiam imponere, nisi pœnitens cum obliuione pœnitentia peccata prioris confessionis aperiat. Felix tom. I. num. 3204.

CAPUT XII.

Prop. XVI. ab Alex. VII. Sc.
Approbatio ab Ordinario.

1. PROP. 16. *Qui beneficium curatum
habent, possunt sibi eligere in Confes-
sarium simplicem Sacerdotem, non appre-
batum ab Ordinario.*

Esse in quovis Sacerdote ad valide, & licite Confessiones audiendas, extra articulum mortis, necessarium Episcopis approbationem, diximus supra cap. 9, super quo Trid. ses. 23. cap. 15. de ref. satis-
perite, & generaliter loquitur, & ideo non
est opus hic id ipsum repetere, sed ibi di-
cta videnda sunt.

2. Quæritur, quidnam intelligatur
per beneficium curatum?

Resp. Beneficia curata duplices sunt ge-
neris; alia dicuntur curata in sensu pro-
prio, & stricto, & alia in magis lata, & im-
propriæ acceptione: secundi generis sunt

c. 1

ea, quibus annexa est jurisdictione spiritualis, quo ad forum exterritum, & contentiosum; & ea habentes, possunt excommunicare, causas Ecclesiasticas tractare, ac cetera praestare, que ad correctionem morum spectant, cujus naturae sunt Decanatus, Archidiaconatus, &c. primi verò illa, quae habent potestatem ligandi, & solvendi in foro penitentiali, & certum locum, cuius populo, per habentes haec beneficia, debent administrari Sacramenta, & populus tenetur ea ab eis recipere; hujusmodi sunt Parochi, Plebani, & cæteri animarum Rectores, Piasec. prax. Epis. par. 2, cap. 5, art. 5. n. 12. & 13. Fagnan, in 1. ad c. cum incuntis n. 5. & seq. de elect. Decretum Alex. comprehendit tamen habentes beneficia curata, seu curam animarum in sensu rigoroso, quam in improprio; nam absolute, & sine ulla restrictione loquitur; & ideo, nisi approbatum ab Episcopis, potest quis eorum valide confiteri.

3. Quæritur, an Episcopus extra suam Diœcesim possit in Confessorem eligere Sacerdotem simplicem, non approbatum ab Episcopo loci?

Repl. Negativè, Fagnan, in 5. decret. ad cap. ne pro dilatatione n. 13. & seq. de panis. Et remis. & n. 62. refert S. C. Conc. declarasse privilegium eligendi Confessorem, quod competit Episcopis in vim illius decretalis, non esse sublatum à Concilio, sed nihilominus, eo non obstante, non posse sibi in Confessorem eligere Sacerdotem sibi non subditum, nisi, aut Parochiale beneficium habeat, aut à suo Ordinario approbatus fuerit ad Confessiones audiendas, ad prescriptum dicti cap. 15. seq. 23. & idem tradit, audita relatione Congre-

gationis, fuisse declaratum à Greg. XIII. huc ille. Quod extendit, etiam ad Em. Cardinales; & supra n. 53. dixit, habentem privilegium eligendi Confessorem, teneri eum eligere, qui ab Ordinario loci habet executionem, qualis est Curatus, seu ab eodem Ordinario approbatus; quicumque enim alius in prædicto c. 15. Concilii inhabilitatur, & in contrarium privilegia, ac consuetudines, etiam immorabiles, revocantur.

Et si queratur, quid eis proficit privilegium alleg. cap. ne pro dilatatione, eis datum de eligendo Confessario, non possint eligere, nisi approbatum ab Ordinario loci?

Resp. Idem Fagnan, n. 25. ait, multum prodesse, & legem operari, quod Episcopus Sacerdotem, sic electum, poterit secum ducere, & sic confiteri ubique locorum, etiam extra Diœcesim Episcopi approbantis; quod circumscripto privilegio, non liceret. Plura addit videnda, qua referre ad nostram praxim non coaduent.

CAPUT XIII.

Prop. XVII. XVIII. & XIX.

ab Alex. VII. &c.

Occiso ad defensionem vita, & honoris.

1. PROP. 17. Est licitum Religioso, vel Clerico, calumniam gravia crimina de se, vel de sua Religione spargere minantem, occidere, quando aliis modis defendendis non suppetit, uti suppetere non videtur, si calumniator sit paratus, vel ipsi Religioso, vel ejus Religioni publice, & coram gravissimis viris prædictis impingere, nisi occidatur.

PRQP.